



**PRIMEIRO  
MINISTRO**

**DISCURSO  
SUA EXCELÊNCIA PRIMEIRO-MINISTRO  
KAY RALA XANANA GUSMÃO NIAN**

**IHA OCASIÃO  
EVENTO ALTO NÍVEL**

**“DEFESA DEMOCRACIA, HODI COMBATE EXTREMISMO”**

Organização das Nações Unidas, Nova Iorque  
24 de setembro de 2024



Palácio do Governo  
Avenida Marginal  
Dili, Timor-Leste

Sua Excelência o Presidente da República do Brasil, Luiz Inácio Lula da Silva,  
Sua Excelência o Presidente do Governo de Espanha, Pedro Sánchez,  
Distintos delegados,  
Senhoras e Senhores,

Honra boot ida mai ha'u bele participa iha Evento Alto Nível nian né kona-ba defesa democracia ho combate hasoru extremismismo.

Fundamental tebes atu ita hotu hamutuk iha solidariedade internacional hodi protege governação democrática no harí sociedades pacíficas no inclusivas.

Só hanesan né mak ita sei bele combate causas boot husi extremismismo.

Mundo ohin-loron fahe-malu liután, volátil no desordenado.

Ita assiste concentração boot riqueza, ao mesmo tempo ema milhares de milhões (ka tokon-ba-tokon) luta contra pobreza extrema ho hamlaha.

Globalização beneficia ema uitoan no prejudica ema barak.

Ita assiste daudaun quebra (ka violação) ba normas internacionais kona-ba comportamento, ho países poderosos (ka kbiit boot sira) nebé ignora direito internacional tuir sira-nia hakarak.

No ita haré países frágeis no afetados husi conflitos luta maka'as ba sira-nia moris, depois de comunidade internacional husik mesak hela sira.

Buat hirak-né hotu haburas sentimentos hanesan revolta, desespero, extremismismo no ódio generalizados.

Iha ami-nia país, ami aprende ho forma difícil liu katak democracia só bele iha bainhira existe base ida ba paz no desenvolvimento.

Iha Timor-Leste ami tenke liuhosi processo ida nebé difícil kona-ba reconciliação no construção paz molok ami bele harí nação ida nebé livre no democrática iha Sudeste Asiático.

Ami aprende katak atu combate extremismo, precisa haré uluk lai ba causas boot conflito nian.

Processo né significa realização diálogo nacional no rona ema sira nebé sente katak husik mesak hela sira ba kotuk.

La iha solução nebé fácil hodi combate extremismo. Ita labele “halo funu hodi hetan dame”.

Em vez de né, ita tenke haré uluk lai ba estruturas económicas ho sociais nebé fahe ita no fomenta desigualdade ho conflito.

Ita precisa cria condições económicas nebé gere empregos ho oportunidades, hodi fó esperança ba ema hotu ho sira-nia famílias.

Ita precisa aprende ho malu no tulun malu atubele harí instituições fortes no atu fó ba Estado kbít nebé nia precisa hodi presta serviços saúde no educação nian ba população.

No ita labele husik hela país ida ba kotuk. Fragilidade ho conflito mak hamosu extremismo.

Tanba né mak ami estabelece g7+, grupo ida ho 20 países frágeis no afetados husi conflitos, nebé halibur-malu hodi partilha experiências no ko'alia ho lian ida de'it ba comunidade internacional.

Ita tenke harí-metin resiliência ho esperança iha países frágeis hodi apoia democracia no previne crescimento husi extremismo internacional.

Senhoras e Senhores,

Extremismo sai buras tanba sentimento ta'uk no divisão, maibé democracia sai buras tanba inclusão no esperança.

Iha mundo complexo no incerto ohin-loron nian, ita hotu tenke kaer metin valores hanesan tolerância, educação ho diálogo.

Hamutuk, ita tenke atua ho solidariedade hodi promove paz no desenvolvimento, no mós atu afirma katak bele iha esperança.

Obrigado.

Kay Rala Xanana Gusmão